

摛藻堂四庫全書薈要

集部

欽定四庫全書蒼要卷一萬八千一百九十三

具部

御定全唐詩卷七百八十八

聯句

李白

改九子山為九華山聯句

并序

青陽縣南有九子山山高數十丈上有九峰如蓮
花按圖徵名無所依據太史公南遊略而不書事
絕古老之口復闕名賢之紀雖靈仙往復而賦詠

罕聞予乃削其舊號加以九華之目時訪道江漢
憩於夏侯迴之堂開檐岸幘坐眺松雪因與二三
子聯句傳之將來

李白 高霽 韋權輿

妙有分二氣靈山開九華白層標遏遲日半壁明朝霞

霽積雪曜陰壑飛流歆陽崖權輿青瑩玉樹色縹緲羽人

家白

杜甫

夏夜李尚書筵送宇文石首赴縣聯句

杜甫 李之芳

崔彧

全節人官太子少詹事

愛客尚書貴之官宅相賢

甫

酒香傾坐側帆影駐江邊

之芳 翟表郎官瑞鳧看令宰仙

或

雨稀雲葉斷夜久燭花

偏甫數語敲紗帽高文擲彩箋

之

興饒行處樂離惜醉

中眠

或

單父長多暇河陽實少年

甫

客居逢自出為別

幾悽然

之

顏真卿

登峴山觀李左相石尊聯句

顏真卿

劉全白

評事後為膳部員外郎守池州

裴循

長城

縣尉

張薦

吳筠

強蒙

處士善醫

范縉

王

純

魏理

評事

王修甫

顏峴

真卿兄子

左輔

元

撫州人

劉茂

魏縣尉

顏渾

真卿族弟官太子通事舍人

楊德元

韋介

皎然

名清畫

崔弘

史

仲宣

陸羽

權器

校書郎

陸士修

嘉興縣尉

裴幼清

柳淡

釋塵外

自號北山子

顏顥

以下

三人並真
卿族姪

顏須

顏頊

李萼

字伯高趙人擢制科

歷官廬州刺史

李公登飲處因石為窪尊

真卿

人事歲年改峴山今古存

全榛蕪掩前跡苔蘚餘舊痕

循

叔子尚遺德山公此迴

軒薦

維舟陪高興感昔情彌敦

筠

藹藹賢哲事依依離

別言

蒙

嶇嶇橫道周迢遰連山根

緡

餘烈暖林野衆芳

揖蘭孫

純

德暉映巖足勝賞延高原

理

遠水明匹鍊因

晴見吳門

修甫

陪遊追盛美揆德欣討論

峴

器有成形用

功資造化元

輔元

流霞方泔淡別鶴遽翩翻

茂舊規傾逸

賞新興麗初暎

渾

醉後接離倒歸時駟騎喧

德元

遲迴向

遺跡離別益傷魂

介

覽事古興屬送人歸思繁

然

懷賢

久徂謝贈遠空攀援

弘

八座欽懿躅高名播乾坤

仲松

深引閒步葛弱供險捫

羽

花氣酒中馥雲華衣上屯

器

森沈列湖樹牢落望郊園

士修

白日半巖岫清風滿丘樊

幼清

旌麾間翠幄簫鼓來朱轡

淡

閒路躡雲影清心澄水

源塵萍連浦中嶼竹繞山下村

顛

景落全谿暗煙凝半

嶺昏

須

去日往如復換年涼代溫

項

登臨繼風騷義激

舊府恩

粵

水堂送諸文士戲贈潘丞聯句

顏真卿

潘述

陸羽

權器

皎然

李

粵

居人未可散上客須留著莫唱阿鞞迴應云夜半樂

真卿

奉潘丞

詩教刻燭賦酒任連盤酌從他白眼看終戀青山

郭

述奉陸三

林栖非姓許寺住那名約會異永和年才同建

安作羽呈權十四

何煩問更漏但遣催弦索共說長句能皆

言早歸惡

器呈然公

那知殊出處還得同笑謔雅韻雖暫歡

禪心肯拋却

皎然上侍御

一宿同高會幾人歸下若簾開北

陸風燭焯南枝鵲

粵奉潘十五

文場苦叨竊釣渚甘漂泊弱

質幸見容菲才誠重諾

述

與耿漳水亭詠風聯句

顏真卿

裴幼清

楊憑

楊凝

左輔元

陸士修

權器

陸羽

皎然

耿漳

喬失

陸涓 吳人陽

清風何處起，拂檻復縈洲。清幼回入飄華幕，輕來疊晚流。

憑桃竹，今已展羽翼，且從收。凝經竹吹彌切，過松韻更

幽。輔元直散青蘋末，偏隨白浪頭。士修山山催雨過，浦浦發

行舟。器動樹蟬爭噪，開簾客罷愁。羽度弦方解慍，臨水

已迎秋。真卿涼為開襟至，清因作頌留。皎然周回隨遠夢，騷

屑滿離憂。漳豈獨銷繁暑，偏能入迴樓。喬王風今若此

誰不荷明休。涓

又溪館聽蟬聯句

顏真卿 楊憑 楊凝 權器 陸羽 耿

漳

喬

失姓

裴幼清

伯成

失姓

皎然

高樹多涼吹疎蟬足斷聲憑已催居客感更使別人驚

凝

晚夏猶知急新秋別有情器危湍和不似細管學難

成羽

當數附金重無貪曜火明真卿青松四面落白髮一

重生

漳

向夕音彌厲迎風翼更輕喬單嘶出迴樹餘響

思空城

幼清

嘒唳松間坐蕭寥竹裏行伯成如何長飲露高

潔未能名

皎然

送耿漳拾遺聯句

顏真卿 耿漳

堯舜逢明主 嚴徐得侍臣 分行接三事 高興拍梁新

真卿

楚國千山道 秦城萬里人 鏡中看齒髮 河上有煙塵

漳

望闕飛青翰 朝天憶紫宸 喜來歡宴洽 愁去詠歌頻

真卿

顧盼情非一 睽攜處亦頻 吳興賢太守 臨水最殷勤

漳

五言月夜啜茶聯句

以下八首又見皎然集

顏真卿 陸士修 張薦 李崱 崔萬

畫

泛花邀坐客代飲引情言士修醒酒宜華席留僧想獨園

薦不須攀月桂何假樹庭萱粵御史秋風勁尚書北斗

尊萬流華淨肌骨疏淪滌心原真卿不似春醪醉何辭綠

菽繁畫素瓷傳靜夜芳氣滿閑軒士修

五言夜宴詠燈聯句

顏真卿 陸士修 張薦 畫 袁高

桂酒牽詩興，蘭缸照客情。士修詎慙珠乘朗，不讓月輪明。

薦破暗光初，白浮雲色轉青。真卿帶花疑在樹，比燎欲分

庭。晝顧已慙微，照開簾識近汀。高

三言喜皇甫曾侍御見過南樓玩月

顏真卿 陸羽 皇甫曾 李崱 晝 陸

士修

喜嘉客闢前軒，天月淨水雲昏。真卿雁聲苦，蟾影寒，聞衰

浥滴檀欒。羽歡宴處，江湖間。曾卷翠幕，吟嘉句，恨清光

留不住粵高駕動清角催惜歸去重裴回晝露欲晞客

將醉猶宛轉照深意士修

七言重聯句

顏真卿 皇甫曾 李粵 陸羽 晝

頃持憲簡推高步獨占詩流橫素波不是中情深惠好

誰能千里遠經過真卿詩書宛似陪康樂少長還同宴永

和夜酌此時看碾玉晨趨幾日重鳴珂皇甫曾萬井更深

空寂寞千方霧起隱嵯峨熒熒遠火分漁浦歷歷寒枝

露鳥窠

粵

漢朝舊學君公隱魯國今從弟子科只自傾

心慙煦濡何曾將口恨蹉跎

羽

獨賞謝吟山照耀共知

殷歎樹婆娑華轂苦嫌雲路隔衲衣長向雪峰何

畫

五言送李侍御聯句

顏真卿

畫

張薦

李粵

吾友駐行輪遲遲惜上春

真卿

東西出餞路惆悵獨歸人

畫

歡會期他日驅馳恨此身

薦

須知貢公望從此願相

因

粵

五言翫初月重遊聯句

顏真卿 張薦 李崱 書

春谿與岸平 初月出谿明

薦上十
二老丈

壁彩寒仍潔 金波夜

轉清

崱

孤光遠近滿 練色往來輕

真卿

望望隨蘭櫂 依依

出柳城

書

五言重送橫飛聯句

顏真卿 李崱 書

春田草未齊 春水滿長溪

崱上十
二兄

出餞風初暖 攀光日

漸西真卿歸期江上遠別思月中迷書

五言夜集聯句

顏真卿 書

寒花護月色墜葉占風音書 茲夕無塵慮高雲共片心

真卿

三言擬五雜組聯句

以下八首又見皎然集

顏真卿 李崱 殷左明正字 袁高 陸士

修 蔣志祕書郎

五雜組盤上菹往復還頭嬾梳不得已罾裏魚粵五雜

組郊外蕪往復還櫪上駒不得已谷中愚佐明五雜組繡

與錦往復還興又寢不得已病伏枕真五雜組酒與肉

往復還東籬菊不得已醉便宿高五雜組闌闌間往復

還門上關不得已鬢毛斑士修五雜組繡紋線往復還春

來燕不得已入征戰志

三言重擬五雜組聯句

顏真卿 張薦 李崱 書

五雜組四豪客往復還阡與陌不得已長沙謫薦五雜
組五辛盤往復還馬上鞍不得已左降官粵五雜組甘
鹹醋往復還烏與兔不得已韶光度真五雜組五色絲
往復還回文詩不得已失喜期書

七言大言聯句

顏真卿 書 李寧 張薦

高歌閨風步瀛洲書燁鵬爨鯢餐未休真四方上下無

外頭粵一啜頓涸滄溟流薦

七言小言聯句

顏真卿 書

長路迢迢吞吐絲真卿 蟭螟蚊睫察難知書

七言樂語聯句

顏真卿 李萼 書 張薦

苦河既濟真僧喜萼 新知滿座笑相視真卿 戍客歸來見

妻子書 學生放假偷向市薦

七言嚙語聯句

顏真卿 李萼 晝 張薦

拈餽舐指不知休

萼

欲炙侍立涎交流

真

過屠大嚼肯

知羞

晝

食店門外強淹留

薦

七言滑語聯句

顏真卿 晝 劉全白 李萼 李益

雨裏下山蹋榆皮

真

莓苔石橋步難移

晝

蕪荑醬醋喫

煮葵

全

縫靴蠟線油塗錐

萼

急逢龍背須且騎

益

七言醉語聯句

顏真卿 劉全白 書 陸羽

逢糟遇麪便酩酊全覆車墜馬皆不醒真卿倒著接鬕髮

垂領畫狂心亂語無人並羽

御定全唐詩卷七百八十八

欽定四庫全書薈要卷一萬八千一百九十四

集部

御定全唐詩卷七百八十九

聯句

皇甫曾

建元寺晝公與崔秀才見過聯句與鄭奉禮說

同作

以下二首又見皎然集

皇甫曾

晝

鄭說

太常寺奉禮郎

崔子向

人間宜歲晚道者訪幽期獨與寒山別行當暮雪時

曾

柏臺辭漢主竹寺寄潛師荷策知君待開門笑我遲

書

暮階縣雨足寒吹繞松枝理辯塵心妄經分梵字疑

說

久承黃紙詔曾賦碧雲詩然諾驚相許風流話所思

子向

筌忘心已默磬發夜何其願結求羊侶名山從所之

曾

建元寺西院寄李員外縱聯句

皇甫曾 崔子向 鄭說 書

寄隱霜臺客相思粉署人

子向奉
上侍御

誠知阡陌近無奈別

離頻 夜色迷雙樹鐘聲警四鄰

曾奉
奉禮

說奉
秀才

散才徒仰

鮑歸夢遠知秦上台雨帶清笳發花驚夕漏春晝招搖隨

步錫髣髴聽行輪子向奉侍御要路推高足空林寄一身曾奉

奉禮盛名知獨擅良會憶相親說奉崔十一稍滌心中垢都遺

陌上塵子向奉今宵此堂集何事少遺民晝

嚴維

中元日鮑端公宅遇吳天師聯句此首又見崔元翰集

嚴維 鮑防 謝良輔 杜弈 李清 劉

蕃 謝良弼 鄭槩 陳元初 樊珣 丘

丹 呂渭 范淹 吳筠

道流為柱史教戒下真仙維共契中元會初修內景篇

防遊方依地僻卜室喜牆連良寶笥開金籙華池漱玉

泉奕怪龍隨羽翼青節降雲煙清昔去遺丹竈今來變

海田蕃養形奔二景鍊骨度千年良騎竹投陂裏攜壺

挂牖邊繫洞中嘗入靜河上舊談玄元初伊洛笙歌遠蓬

壺日月偏珣青驪薊訓引白犬伯陽牽丹法受相君後

心存象帝先渭道成能縮地功滿欲升天淹何意迷孤

性含情戀數賢筠

酒語聯句各分一字

嚴維 劉蕃 鮑防 謝良輔 沈仲昌

丘丹 呂渭 鄭槩 陳元初 迴失姓

山簡酣歌倒接甌蕃看朱成碧無所知防耳鳴目眩駟

馬馳良輔口稱童殺腹鳴夷維兀然落帽灌酒卮仲昌太常

吏部相對時維藉糟枕麴浮酒池丹瓮間籬下臥不移

渭叫呼不應無事悲緊千日一醒知是誰元初左傾右倒

人避之迴

一字至九字詩聯句

嚴維 鮑防 鄭槩 成用 陳元初 張

叔政 賈弇 周頌

東西防步月尋溪維鳥已宿猿又啼槩狂流礙石迸筍

穿磯用望望人煙遠行行蘿徑迷探題只應盡墨持贈

更欲封泥元松下流時何歲月雲中幽處屢攀躋叔乘

興不知山路遠近緣情莫問日過高低弇靜聽林下潺

潺足湍瀨厭問城中喧喧多鼓鞀

頌

李益

宣上人病中相尋聯句

李益 廣宣

策杖迎詩客歸房理病身閒收無效藥徧寄有情人

廣宣

草木分千品方書問六陳還知一室內我爾即天親

益

八月十五夜宣上人獨遊安國寺山庭院步人
遲明將至因話昨宵乘興聯句

以下三首又見廣宣集

李益 廣宣

九重城接天花界三五秋生一夜風行聽漏聲雲散後

遙聞天語月明中

廣宣

含涼閣迴通仙掖承露盤高出上

宮誰問獨愁門外客清談不與此宵同

益

重陽夜集蘭陵居與宣上人聯句

李益 廣宣

蟋蟀催寒服茱萸滴露房酒巡明刻燭籬菊暗尋芳

益

新月和秋露繁星混夜霜登高今夕事九九是天長

廣宣

與宣供奉攜癭尊歸杏溪園聯句

李益 廣宣

千畦抱甕園一酌癭尊酒唯有沃洲僧時過杏溪叟

益

追歡君適性獨飲我空口儒釋事雖殊文章意多偶

廣宣

蘭陵僻居聯句

李益 廣宣 杜羔

潘岳閒居賦陶潛獨酌謠二賢成往事三徑是今朝

廣宣

生幸逢唐運昌時奉帝堯進思諧啓沃退混即漁樵

益

蠹簡封延閣彫闌闕上霄相從清曠地秋露挹蘭苔

羔

天津橋南山中各題一句

李益 韋執中 諸葛覺 賈島

野坐分苔席

益

山行繞菊叢

執中

雲衣惹不破

覺

秋色望

來空

島

紅樓下聯句

李益 廣宣 杜羔

佛刹接重城紅樓切太清紫雲連照耀丹檻鬱崢嶸

廣宣

棖棟煙虹入軒窗日月平參差五陵晚分背八川明

益

松韻風初過蓮陂浪欲傾敬瞻疑涌見圍繞學無生

羔

賦應門照綠苔

李益 法振

宮闕何年月應門何歲苔清光一以照白露共裴回

益

珠履久行絕玉房重未開妾心正如此昭陽歌吹來

法振

耿漳

寄司空曙李端聯句

耿漳 王早 辛晁

長安一分首萬里隔煙波 早海上青山暮天涯白髮多

漳 尋僧因看竹訪道或求鵝 晁雲樹無猿鳥陰崖足薜

蘿 漳醉中留越客興裏晒庭柯 晁黃葉身仍逐丹霄背

未摩 漳別愁連旦暮歸夢繞關河 晁高柳寒蟬對空階

夜雨和 漳年華空荏苒名宦轉蹉跎 晁南陌東城路春

來幾度過 漳

連句多暇贈陸三山人

耿漳 陸羽

一生為墨客幾世作茶仙

漳

喜是攀闌者慙非負鼎賢

羽禁門聞曙漏顧渚入晨煙

漳

拜井孤城裏攜籠萬壑

前羽閒喧悲異趣語默取同年

漳

歷落驚相偶衰羸猥

見憐羽詩書聞講誦文雅接蘭荃

漳

未敢重芳席焉能

弄絲箋羽黑池流研水徑石澀苔錢

漳

何事親香案無

端狎釣船

羽

野中求逸禮江上訪遺編

漳

莫發搜歌意

予心或不然

羽

李景儉

字寬中貞元中登進士第官終少府少監

道州春日感興

李景儉

呂溫

呂恭

字恭叔溫之弟
官殿中侍御史

始見花滿枝又看花滿地

景儉

且持增氣酒莫滴傷心淚

溫

深誠長鬱結芳晨自妍媚

恭

嘯歌聊永日誰知此時

意

景儉

武元衡

中秋夜聽歌聯句

武元衡 崔備 裴度 柳公綽 盧放

盧士玫

此夕來奔月何時去上天 備 雲鬟方自照玉腕更呈鮮

度 燕婉人間意飄飄物外緣 公綽上 詩裁明月扇歌索

想夫憐 元衡奉 暗染荀香久長隨楚夢偏 放 會當來彩

鳳髻鬚逐神仙 士玫

御定全唐詩卷七百八十九



總校官庶吉士 臣 張能照

校對官庶吉士 臣 翟槐

校對官庶吉士 臣 許兆椿

謄錄貢生 臣 王嘉稷

謄錄舉人 臣 羅步雲

欽定四庫全書會要

集部

御定全唐詩卷七百

九十二

九十五

詳校官原任事臣李斯咏

欽定四庫全書蒼要卷一萬八千一百九十五

集部

御定全唐詩卷七百九十

聯句

裴度

春池泛舟聯句

此首又見劉禹錫張籍集

裴度

劉禹錫

崔羣

字敦詩清河人元和
中戶部侍郎同平章

事

賈餗

河南人太和
中書侍郎同平章事

張籍

鳳池新雨後池上好風光

禹錫上相公

取酒愁春盡留賓喜



日長

度送戶部

柳絲迎畫舸水鏡寫雕梁

羣送賈院長

潭洞迷仙

府煙霞認醉鄉

餽送張司業

鶯聲隨笑語竹色入壺觴

籍送主客

晚景含澄澈時芳得豔陽

禹錫

飛鳧拂輕浪綠柳暗迴塘

度逸韻追安石高居勝辟彊羣杯停新令舉詩動綵牋

忙餽

顧謂同來客歡遊不可忘

籍

西池落泉聯句

以下三首又見劉禹錫白居易張籍集

裴度

行式

失姓

張籍

白居易

劉禹錫

東閣聽泉落能令野興多

行式

散時猶帶沫淙處即跳波

度偏洗磷磷石還驚泛泛鵝籍色清塵不染光白月相

和居易噴雪縈松竹攢珠濺芰荷禹錫對吟時合響觸樹更

搖柯籍照圃紅分藥侵階綠浸莎居易日斜車馬散餘韻

逐鳴珂禹錫

首夏猶清和聯句

裴度 白居易 劉禹錫 行式 張籍

記得謝家詩清和即此時居易餘花數種在密葉幾重垂

度芳謝人人惜陰成處處宜禹錫水萍爭點綴梁燕共追

隨行亂蝶憐疎葉殘鶯戀好枝籍草香殊未歇雲勢漸

多奇居易單服初寧體新篁已出籬度與春為別近覺日

轉行遲禹錫繞樹風光少侵階苔蘚滋行式惟思奉歡樂長

得在西池籍

薔薇花聯句

裴度 劉禹錫 行式 白居易 張籍

似錦如霞色連春接夏開禹錫波紅分影入風好帶香來

度得地依東閣當階奉上台行式淺深皆有態次第暗相

催禹錫滿地愁英落綠堤惜擢迴度芳濃濡雨露明麗隔

塵埃

行式

似著臙脂染如經巧婦裁

居易

柰花無別計只有

酒殘杯

籍

喜遇劉二十八偶書兩韻聯句

以下四首又見劉禹錫白居易

集

裴度

劉禹錫

白居易

李紳

病來佳興少老去舊遊稀笑語縱橫作杯觴絡繹飛度

清談如水玉逸韻貫珠璣高位當金鉉虛懷似布衣

禹錫

已容狂取樂仍任醉忘機捨眷將何適留歡便是歸
居易
鳳儀常欲附蚊力自知微願假尊壘末膺門自此依
紳
劉二十八自汝赴左馮塗經洛中相見聯句

裴度 白居易 李紳 劉禹錫

不歸丹掖去銅竹漫云云唯喜因過我須知未賀君
度

詩聞安石詠香見令公熏欲首函關路來披緹嶺雲
居易

貂蟬公獨步鴛鷺我同羣插羽先飛酒交鋒便戰文
紳

鎮嵩知表德定鼎為銘勲顧鄙容商洛徵歡候汝墳
禹錫

頻年多謔浪此夕任喧紛故態猶應在行期未要聞

度

遊藩榮已久捧袂惜將分詎厭杯行疾唯愁日向曛

居易

窮陰初莽蒼離思漸氤氳殘雪午橋岸斜陽伊水濱

紳

上謨尊右掖全略靜東軍萬頃徒稱量滄溟詎有垠

禹錫

度自到洛中與樂天為文酒之會時時構詠樂

不可支則慨然共憶夢得而夢得亦分司至止

歡愜可知因為聯句

裴度

白居易

劉禹錫

成周文酒會吾友勝鄒枚唯憶劉夫子而今又到來度

欲迎先倒屣亦坐便傾杯飲許伯倫右詩推公幹才並

本事居易久曾聆郢唱重喜上燕臺晝話牆陰轉宵歡斗柄

迴禹錫新聲還共聽故態復相咍遇物皆先賞從花半未

開度起時烏帽側散處玉山頽墨客喧東閣文星犯上

台居易詠吟君稱首踈放我為魁憶戴何勞訪時夢得分司而來

留髡不用猜宴席上老夫暫起樂奉觴承麴蘗落筆捧

瓊瑰醉弁無妨側詞鋒不可摧此兩韻美令公也居易水軒看翡

翠石徑踐莓苔童子能騎竹佳人解詠梅

陪遊南宅之境禹錫洛

中三可矣鄴下七悠哉自向風光急不須弦管催

度樂

觀魚踴躍閒愛鶴裴回煙柳青凝黛波萍綠撥醅

居易春

榆初改火律管又飛灰紅藥多遲發碧松宜亂栽

禹錫馬

嘶駝陌上鷁泛鳳城隈色色時堪惜些些病莫推

度涸

流尋軋軋餘刃轉恢恢從此知心伏無因敢自媒

禹錫室

隨親客入席許舊寮陪逸興嵇將阮交情陳與雷

此二句屬

夢得也
居易
洪爐思哲匠大厦要羣材他日登龍路應知免

曝鰓禹
錫

宴興化池亭送白二十二東歸聯句

此首又見張籍集

裴度 劉禹錫 白居易 張籍

東洛言歸去西園告別來白頭青眼客池上手中杯
度

離瑟殷勤奏仙舟委曲回征輪今欲動賓閣為誰開
禹錫

坐弄琉璃水行登綠縵堆花低妝照影萍散酒吹醅
居易

岸蔭新抽竹亭香欲變梅隨遊多笑傲遇勝且裴回
籍

澄澈連天鏡潺湲出地雷林塘難共賞鞍馬莫相催
度

信及魚還樂機忘鳥不猜晚晴槐起露新雨石添苔
擬作雲泥別尤思頃刻陪歌停珠貫斷飲罷玉峰頽
雖有逍遙志其如磊落才會當重入用此去宵悠哉

籍

西池送白二十二東歸兼寄令狐相公聯句

此首

又見劉禹錫集

裴度 劉禹錫 張籍 行式

促坐宴回塘送君歸洛陽彼都留上宰為我說中腸
威鳳池邊別冥鴻天際翔披雲見居守望日拜封章

禹錫

春盡年華少舟通景氣長送行歡共惜寄遠意難忘

籍

東道瞻軒蓋西園醉羽觴謝公深眷眄商皓信輝光

式行

舊德推三友新篇代八行

以下缺

李絳

杏園聯句

以下二首又見劉禹錫白居易集

李絳 崔羣 白居易 劉禹錫

杏園千樹欲隨風一醉同人此暫同

羣上司空

老態忽忘絲

管裏衰顏宜解酒杯中

絳上白

曲江日暮殘紅在翰苑

年深舊事空

居易上
主客

二十四年流落者故人相引到花

叢

禹錫

花下醉中聯句

李絳 劉禹錫 白居易 庾承宣 楊嗣

復

共醉風光地花飛落酒杯

絳送劉二十八

殘春猶可賞晚景莫

相催

禹錫送
白侍郎

酒幸年年有花應歲歲開

居易送兵部相公

且當

金韻擲莫遣玉山頽

絳送庾閣長

高會彌堪惜良時不易陪

承宣送
主客

誰能拉花住爭換得春回

禹錫送吏部

我輩尋常有

佳人早晚來

嗣復送白侍郎

寄言三相府欲散且裴回

居易時戶部相

會
公同

劉禹錫

樂天是月長齋鄙夫此時愁卧里閭非遠雲霧

難披因以寄懷遂為聯句所期解悶焉敢驚禪

劉禹錫 白居易

五月長齋月文心苦行心蘭蔥不入戶蒼筤自成林

禹錫

護戒先辭酒嫌喧亦徹琴塵埃賓位靜香火道場深

居易

我靜馴狂象餐餘施衆禽定知於佛佞豈復向書淫

易錫

闌藥凋紅豔庭槐換綠陰風光徒滿目雲霧未披襟

居易

樹為清涼倚池因盥漱臨蘋芳遭燕拂蓮圻待蠶尋

易錫

舍下環流水窗中列遠岑苔斑錢剝落石怪玉嶽岑

居易

鵲頂迎秋禿鶯喉入夏瘖綠楊垂嫩色緹棘露長鍼

易錫

散秩身猶幸趨朝力不任官將方共拙年與病交侵

居易

徇樂非時選忘機似陸沈鑒容稱四皓捫腹有三壬

易錫

攜手慙連壁同心許斷金紫芝雖繼唱

前後各在賓客

白雪少

知音

居易

憶罷吳門守相逢楚水潯舟中頻曲宴夜後各

加斟

禹錫

濁酒銷殘漏弦聲間遠砧砒顏舞長袖密坐接

華簪

居易

持論峰巒峻戰文矛戟森笑言誠莫逆造次必

相箴

禹錫

往事應如昨餘歡迄至今迎君常倒屣訪我輒

攜衾

居易

陰魄初離畢

時有雨候

陽光正在參

五月節

待公休一

食縱飲共狂吟

禹錫

白居易

秋霖即事聯句三十韻

以下三首又見
劉禹錫王起集

白居易 王起 劉禹錫

蕭索窮秋月蒼茫苦雨天
泄雲生棟上行潦入庭前

居易

送上 苔色侵三徑波聲想五弦
井蛙爭入戶輒鮒亂歸

泉 起送上中 高雷愁晨坐空階
警夜眠鶴鳴猶未已蟻

穴亦頻遷 禹錫送上 散漫踈還密
空濛斷復連竹霑青

玉潤荷滴白珠圓 居易 地溼灰蛾滅
池添水馬憐有苗霑

霰霖無月弄潺湲 起 籬菊潛開秀
園蔬已罷鮮斷行隨

雁翅孤嘯聳鳶肩

禹錫

橋柱黏黃菌牆衣點綠錢草荒行

藥路沙泛釣魚船

居易

長者車猶阻高人榻且懸

此思劉白之來

也金烏何日見玉爵幾時傳

起

近井桐先落當檐石欲

穿趨風誠有戀披霧邈無緣

禹錫以荅懸榻之召

廩米陳生醜庖

薪溼起煙鳴雞潛報曉急景暗彫年

居易

蓋灑高松上絲

繁細柳邊拂叢時起蝶墮葉乍驚蟬

起

巾角皆爭墊帟

裾別似湔人多蒙翠被馬盡著連乾

禹錫

好客無來者貧

家但悄然溼泥印鶴迹漏壁絡蝸涎

居易

蚊聚雷侵室鷗

翻浪滿川上樓愁暮暮繞舍厭濺濺起律候今秋矣歡
娛久曠焉但令高興在晴後奉周旋禹錫

喜晴聯句

白居易 王起 劉禹錫

苦雨晴何喜喜於未雨時氣收雲物變聲樂鳥烏知居易

送上 蕙泛光風圃蘭開皎月池千峰分遠近九陌好追

隨起送上 白日開天路玄陰卷地維餘清在林薄新照

入漣漪禹錫 碧樹涼先落青蕪溼更滋曬毛經浴鶴曳尾

出泥龜

居易

舞去商羊速飛來野馬遲柱邊無潤礎臺上

有游絲

起

橋淨行塵息堤長禁柳垂宮城開睥睨觀闕

麗采愚

禹錫

洛水澄清鎮嵩煙展翠帷梁成虹乍見市散

蜃初移

居易

藉草風猶暖攀條露已晞屋穿添碧瓦牆缺

召金鎚

起

迴徹來雙目昏煩去四支霞文晚煥爛星影

夕參差

禹錫

爽助門庭肅寒摧草木衰黃乾向陽菊紅洗

得霜梨

居易

假蓋閒誰惜彈弦燥更悲散蹄良馬穩炙背

野人宜

起

洞戶晨暉入空庭宿霧披推林出書日傾筇

上衣拋錫禹道路行非阻軒車望可期無辭訪圭竇且願

見瓊枝

居易

山閣蓬萊客

古以秘書喻蓬萊

儲宮羽翼師

此言少傳

每

優陪麗句何暇覲英姿

起以酬圭竇之言

翫景方搔首懷人尚

斂眉因吟仲文什高興盡於斯

禹錫

會昌春連宴即事

白居易 劉禹錫 王起

元年寒食日上已暮春天雞黍三家會鶯花二節連

居易

光風初澹蕩美景漸暄妍簪組蘭亭上車輿曲水邊

禹錫

松聲添奏樂草色助鋪筵雀舫宜閒泛螺杯任漫傳

起

園蔬香帶露厨柳暗藏煙麗句輕珠玉清談勝管弦

居易

陌喧金距鬪樹動綵繩懸姍女妝梳豔遊童衣服鮮

禹錫

圃香知種蕙池暖憶開蓮怪石雲疑觸夭桃火欲然

起

正歡唯恐散雖醉未思眠嘯傲人間世追隨地上僊

居易

燕來雙涎涎雁去累翩翩行樂真吾事尋芳獨我先

禹錫

滯周慙太史

太史公留滯周南今榮忝慙古人矣

入洛繼先賢

此言劉白聲價與二

陸爭昔恨多分手今歡謬比肩

起病猶陪讌飲老更奉

周旋望重青雲客情深白首年

居

徧嘗珍饌後許入畫

堂前舞袖翻紅炬歌鬟插寶蟬

禹錫

斷金多感激倚玉貴

遷延說史吞顏注論詩笑擲箋

起

松筠寒不變膠漆冷

彌堅興伴王尋戴

謂隨僕射過尚書也

榮同隗在燕

居易自謂

擲盧誇

使氣刻燭鬪成篇實藝皆三捷虛名媿六聯

禹錫

興闌猶

舉白話靜每思玄更說歸時好亭亭月正圓

起

僕射來示有三春向晚四者難并之說誠哉是

言輒引起題重為聯句疲兵再戰勅敵難降下

筆之時屨然自哂走呈僕射兼簡尚書

此首又見劉禹

錫集

白居易 王起 劉禹錫

三春今向晚四者昔難并借問低眉坐何如攜手行

居易

舊遊多過隙新宴且尋盟鸚鵡林須樂麒麟閣未成

起

分陰當愛惜遲景好逢迎林野熏風起樓臺穀雨晴

禹錫

牆低山半出池廣水初平橋轉長虹曲舟回小鷁輕

居易

殘花猶布繡密竹自聞笙欲過芳菲節難忘宴慰情

起

月輪行似箭時物始如傾見雁隨兄去聽鶯求友聲

禹錫

蕙長書帶展菰嫩剪刀生坐密衣裳暖堂虛絲管清

居易

峰巒侵碧落草木近朱明與點非沂水陪膺是洛城

白為

三川守故云起揆醅爭綠醑臥酪待朱櫻幾處能留客何人喚

解醒

禹錫

舊儀尊右揆新命寵春卿有喜鵲頻語無機鷗

不驚

居易

青林思小隱白雪仰芳名訪舊殊千里登高賴

九城

起

鄼侯司管鑰疏傅傲簪纓綸綍曾同掌煙霄即

上征

禹錫

冊庭嘗接武書殿忝連衡蘭室春彌馥松心晚

更貞

居易

琴招翠羽下鉤掣紫鱗呈只願回烏景誰能避

兕觥

起

方知醉兀兀應是走營營鳳閣鸞臺路從他年

少爭

居易

呈二公

御定全唐詩卷七百九十

欽定四庫全書蒼要卷一萬八千一百九十六

集部

御定全唐詩卷七百九十一

聯句

韓愈

城南聯句

此首又見
張籍集

韓愈 孟郊

竹影金瑣碎

郊

泉音玉淙琤琉璃翦木葉

愈

翡翠開園

英流滑隨仄步

郊

搜尋得深行遙岑出寸碧

愈

遠目增

雙明乾穉紛挂地郊化蟲枯揭莖木腐或垂耳愈草珠

競駢睛浮虛有新斲郊摧扞饒孤撐囚飛黏網動愈盜

啁接彈驚脫實自開坼郊牽柔誰繞縈禮鼠拱而立愈

駭一作駭牛躅且鳴蔬甲喜臨社郊田毛樂寬征露螢不

自暖愈凍蝶尚思輕宿羽有先曉郊食鱗時半橫菱翻

紫角利愈荷折碧圓傾楚膩鱣鮪亂郊獠羞羸蟹并桑

蠖見虛指愈穴狸聞鬪獍逗翳翅相築郊擺幽尾交榜

蔓涎角出縮愈樹啄頭敲鏗修箭裹金餌郊羣鮮沸池

羹岸殼坼玄兆愈野莽漸豐萌窰煙幕疏島郊沙篆印

迴平瘁肌遭眊刺愈啾耳聞雞生竒慮恣迴轉郊遐晞

縱逢迎顛林戢遠睫愈縹氣夷空情歸跡歸不得郊捨

心捨還爭靈麻撮狗蝨愈村穉啼禽猩紅皺曬檐瓦郊

黃團繫門衡得雋蠅虎健愈相殘雀豹趨束枯樵指禿

郊刈歎擔肩頰澀旋皮卷鬻愈苦開腹彭亨機舂潺湲

力郊吹簸飄颿精賽饌木盤簇愈鞞妖藤索絝荒學五

六卷郊古藏四三瑩里儒拳足拜愈土怪閃眸偵蹄道

補復破郊絲窠掃還成暮堂蝙蝠沸愈破竈伊威盈追

此訊前主郊荅云皆冢卿敗壁剥寒月愈折筮嘯遺笙

桂熏霏霏在郊綦跡微微呈劔石猶竦檻愈獸材尚拏

楹寶唾拾未盡郊玉啼墮猶鎗窗綃疑悶豔愈妝燭已

銷繁綠髮抽珉甃郊青膚聳瑤楨白蛾飛舞地愈幽蠹

落書棚惟昔集嘉詠郊吐芳類鳴嚶窺竒摘海異愈恣

韻激天鯨腸胃繞萬象郊精神驅五兵蜀雄李杜拔愈

嶽力雷車轟大句幹玄造郊高言軋霄崢芒端轉寒燠

愈神助溢杯觥巨細各乘運愈湍濶亦騰聲凌花咀粉

藥

郊

削縷穿珠櫻綺語洗晴雪愈嬌辭哢雛鶯酣歡雜

弁珥

郊

繁價流金瓊菡萏寫江調

郊

菱蕤綴藍瑛庖霜

膾玄鯽愈

浙玉炊香粳朝饌已百態

郊

春醪又千名哀

匏蹙駛景愈冽唱凝餘晶解魄不自主

郊

痺肌坐空曠

扳援賤蹊絕

愈

炫曜仙選更藜巧競采笑

郊

駢鮮互探

嬰桑變忽蕪蔓

愈

樟裁浪登丁霞鬪詎能極

郊

風期誰

復賡臯區扶帝壤

愈

瓌蘊郁天京祥色被文彥

郊

良材

插杉檉隱伏饒氣象愈興潛示堆坑擘華露神物郊擁

終儲地禎訂謨壯締始愈輔弼登階清空秀恣填塞郊

呀靈瀆渟澄益大聯漢魏愈肇初邁周嬴積照涵德鏡

郊傳經儷金籟食家行鼎鼐愈寵族飫弓旌奕制盡從

賜郊殊私得逾程飛橋上架漢愈繚岸俯規瀛瀟碧遠

輸委郊湖嵌費攜擎荀首從大漠愈楓櫛至南荆嘉植

鮮危朽郊膏理易滋榮懸長巧紐翠愈象曲善攢珎魚

口星浮沒郊馬毛錦斑駢五方亂風土愈百種分鉏耕

葩藥相妬出郊郊菲茸共舒晴類招臻個詭愈翼萃伏衿

纓危望跨飛動郊冥升躡登閔春游轢霍靡愈彩伴颺

嫫媿遺燦飄的樂郊淑顏洞精誠嬌應如在寤愈頽意

若含醒鷓毳翔衣帶郊鵝肪截佩璜文升相照灼愈武

勝屠攬槍割錦不酬價郊構雲有高營通波物鱗介愈

疏畹富蕭蘅買養馴孔翠郊遠苞樹蕉拼鴻頭排刺茨

愈 鵠鷓攢瓌橙鶩廣雜良牧郊蒙休賴先盟罷旄奉環

衛 愈 守封踐忠貞戰服脫明介郊朝冠飄彩紘爵勳逮

僮隸愈簪笏自懷繡乳下秀嶷嶷郊椒蕃泣惶惶貌鑑

清溢匣愈眸光寒發硯館儒養經史郊綴戚觴孫甥考

鐘饋殺核愈夏鼓侑牢牲飛膳自北下郊函珍極東烹

如瓜煮大卵愈比線茹芳菁海嶽錯口腹郊趙燕錫媯

姪一笑釋仇恨愈百金交弟兄貨至貊戎市郊呼傳鸚

鵠令順居無鬼瞰愈抑橫免官評殺候肆凌翦郊籠原

市置紉羽空顛雉鸚愈血路迸狐麋折足去蹠蹕郊蹙

髻怒鬢鬟躍犬疾翥鳥愈呀鷹甚飢螽算蹄記功賞郊

裂腦擒控振猛斃牛馬樂愈妖殘梟鴿惇窟窮尚嗔視

郊

箭出方驚抨連箱載已實愈礙轍棄仍羸喘覷鋒刃

點郊困衝株枿盲埽淨豁曠曠愈騁遙略革革饒叔飽

活嚮郊惡嚼嘔腥鯖歲律及郊至愈古音命韶馭旗旆

流日月郊帳廬扶棟薨磊落奠鴻璧愈參差席香蔓玄

祇祉兆姓郊黑柜饒豐盛慶流蠲瘥癘愈威暢捐輶朝

靈燔望高罔郊龍駕聞敲颺是惟禮之盛愈永用表其

宏德孕厚生植郊恩熙完剝宅土盡華族愈連田間

強忙蔭庾森嶺檜

郊

啄場翮祥鳴畦肥翦韭齏

愈

陶固

收盆甕利養積餘健

郊

孝思事嚴祊掘雲破滯嶠

愈

月漉坳泓寺砌上明鏡

郊

僧孟敲曉鉦泥象對騁怪

愈

鐵鐘孤春鏗癭頸鬧鳩鴿

郊

蜿垣亂蛛蝶甚黑老蠶蠋

愈
麥黃韻鸚鷓韶曙遲勝賞

郊

賢明戒先庚馳門填偏

仄
愈
競墅輾砢碎碎纈紅滿杏

郊

稠凝碧浮錫蹙繩覲

娥婺
愈
鬪草擷璣珵粉汗澤廣額

郊

金星墮連瓔鼻偷

困淑郁
愈
眼剽強盯暉是節飽顏色

郊

茲彊稱都城書

饒罄魚繭

愈

紀盛播琴箏奚必事遠覲

郊

無端逐羈僮

將身親魍魎

愈

浮跡侶鷗鵲腥味空奠屈

郊

天年徒羨

彭驚魂見蛇虵

愈

觸躄值蝦蟇幸得履中氣

郊

忝從拂

天棖歸私暫休暇

愈

驅明出庠黌鮮意竦輕暢

郊

連輝

照瓊瑩陶暄逐風乙

愈

躍視舞晴蜻足勝自多詣

郊心

貪敵無効始知樂名教

愈

何用苦拘掣畢景任詩趣

郊

焉能守磴磴

愈

會合聯句

韓愈 張籍 孟郊 張徹

離別言無期會合意彌重籍病添兒女戀老喪丈夫勇

愈 愈 劍心知未死詩思猶孤聳郊愁去劇箭飛歡來若泉

涌徹析言多新貫攄抱無昔壅籍念難須勤追悔易勿

輕踵愈吟巴山犖學音說楚波堆壘郊馬辭虎豹怒舟

出蛟鼉恐徹狂鯨時孤軒幽狽雜百種愈瘴衣常腥膩

蠻器多踈冗籍剝苔弔斑林角飯餌沈塚愈忽爾銜遠

命歸歟舞新寵郊鬼窟脫幽妖天居覲清拱愈京遊步

方振謫夢意猶恂

籍

詩書誇舊知酒食接新奉

愈

嘉言

寫清越瘡病失朕腫

郊

夏陰偶高庇宵魄接虛擁

愈雪

弦寂寂聽茗盃纖纖捧

郊

馳輝燭浮螢幽響泄潛蒼

愈

詩老獨何心江疾有餘虺

郊

我家本漣穀有地介臯鞏

休跡憶沈冥峨冠慙閬躡

愈

升朝高轡逸振物羣聽悚

徒言濯幽泌誰與薙荒茸

籍

朝紳鬱青綠馬飾曜珪珙

國讐未銷鑠我志蕩邛隴

郊

君才誠侗儻時論方洶溶

音格言多彪蔚懸解無桔拳張生得淵源寒色拔山冢

堅如撞羣金眇若抽獨蛹愈
伊余何所擬跛鼈詎能踊
塊然墮岳石飄爾冒巢毼郊
龍旆垂天衛雲韶凝禁甬
君胡眠安然朝鼓聲洶洶愈

鬪雞聯句

韓愈 孟郊

大雞昂然來小雞竦而待愈
崢嶸顛盛氣洗刷凝鮮彩

郊高行若矜豪側睨如何殆愈
精光目相射劒戟心獨

在郊既取冠為曹復以距為鏃
天時得清寒地利挾爽

塏愈磔毛各噤痒怒癭爭礮磊俄膺忽爾低植立瞥而

改郊膈膊戰聲喧續翻落羽雥中休事未決小挫勢益

倍愈妬腸務生敵賊性專相醢裂血失鳴聲啄殷甚飢

餒郊對起何急驚隨旋誠巧給毒手飽李陽神槌困朱

亥愈惻心我以仁碎首爾何罪獨勝事有然旁驚汗流

浼郊知雄欣動顏怯負愁看賄爭觀雲填道助叫波翻

海愈事爪深難解噴睛時未怠一噴一醒然再接再礪

乃郊頭垂碎丹砂翼搨拖錦綵連軒尚賈餘清厲比歸

凱愈 選俊感收毛受恩慙始隗英心甘鬪死義肉恥庖
宰君看鬪雞篇短韻有可采 郊

納涼聯句

韓愈 孟郊

遞嘯取遙風微微近秋朔 郊 金柔氣尚低火老候愈濁

愈 熙熙炎光流竦竦高雲擢 愈 閃紅驚蚰蚪凝赤聳山

嶽目林恐焚燒耳井憶澆澆仰懼失交泰非時結水電

化鄧渴且多奔河誠已慙暘道者誰子叩商者何樂洗

矣得滂沱感然鳴鶯鶯嘉願苟未從前心空緬邈清砌

千迴坐冷環再三握煩懷却星星高意還卓卓郊龍沈

劇煮鱗牛喘甚焚角蟬煩鳴轉喝烏噪飢不啄書蠅食

案繁宵蚋肌血渥單絺厭已褫長筭倦還捉幸茲得佳

朋於此蔭華桷青熒文簞施淡漱甘瓜濯大壁曠凝淨

古畫竒駁犖淒如玃寒門皓若攢玉璞埽寬延鮮飈汲

冷漬香穉篚實摘林珍盤散饋禽穀空堂喜淹留貧饌

羞齷齷愈殷勤相勸勉左右加礮斲賈勇發霜劓爭前

曜冰槩微然草根響先被詩情覺感衰悲舊改工異逞
新貌誰言擯朋老猶自將心學危檐不敢憑朽機懼傾
撲青雲路難近黃鶴足仍鋌未能飲淵泉立滯叫芳葯
郊與子昔睽離嗟余苦屯剝直道敗邪徑拙謀傷巧詆
炎湖度氛氲熱石行犖砢痠肌夏尤甚瘡渴秋更數君
顏不可覲君手無由搦今來沐新恩庶見返鴻朴儒庠
恣游息聖籍飽商榷危行無低徊正言免咿喔車馬獲
同驅酒醪欣共款惟憂棄管蒯敢望侍帷幄此志且何

如希君為追琢愈

秋雨聯句

韓愈 孟郊

萬木聲號呼百川氣交會郊庭翻樹離合牖變景明藹

愈深瀉殊未終飛浮亦云泰郊牽懷到空山屬聽邇驚

瀨愈檐垂白練直渠漲清湘郊甘津澤祥禾伏潤肥

荒艾愈主人吟有歡客子歌無奈郊侵陽日沈玄剝節

風搜兌愈塊北遊峽喧颼颺臥江汰郊微飄來枕前高

灑自天外愈愈 蝨穴何迫迮蟬枝埽鳴噦郊 援菊茂新芳

徑蘭銷晚馥愈愈 地鏡時昏曉池星競漂沛郊 謹叟尋一

聲灌注咽羣籟愈愈 儒宮煙火溼市舍煎熬忤郊 臥冷空

避門衣寒屢循帶愈愈 水怒已倒流陰繁恐凝害郊 憂魚

思舟楫感禹勤吠澮愈愈 懷襄信可畏疏決須有賴郊 筮

命或馮著卜晴將問蔡愈愈 庭商忽驚舞墉禁亦親酌郊

氛醑稍踈映霄亂還擁蒼陰旌時摻流帝鼓鎮訇磕棗

圃落青璣瓜畦爛文貝貧薪不燭竈富粟空填廡愈愈 秦

俗動言利魯儒欲何勾深路倒羸驂弱途擁行軟毛羽
皆遭凍離襪不能翻浪洗虛空傾濤敗藏蓋郊吾人
猶在陳僮僕誠自鄙因思征蜀士未免溼戎旆安得發
商飈廓然吹宿靄白日懸大野幽泥化輕塏戰場暫一
乾賊肉行可膾愈搜心思有效抽策期稱最豈惟慮收
獲亦以救顛沛郊禽情初嘯儔礎色微收霈庶幾諧我
願遂止無已太愈

征蜀聯句

韓愈 孟郊

日王忿違傲有命事誅拔蜀險豁關防秦師縱橫猶愈

風旗市地揚雷鼓轟天殺竹兵彼皴脆鐵刃我槍截郊

刑神咤犛旄陰燄颯犀札翻霓紛偃蹇塞野瀕塊北愈

生獰競掣跌癡突爭填軋渴鬪信逐叟嗽奸何噢骨郊

更呼相簸蕩交斫雙缺齧火發激銛腥血漂騰足滑愈

飛猱無整陣翮有邪戛江倒沸鯨鯤山搖潰貙獫郊

中離分二三外變迷七八逆頸盡微索仇頭恣髡怒

鬚猶髻鬢斷臂仍瓢瓠愈石潛設竒伏穴覷騁精察中

矢類妖豸跳鋒狀驚豹躡翻聚林嶺斗起成埃玠郊旆

亡多空扛軸折鮮聯轄剝膚浹瘡痍敗面碎剝剝渾奔

肆狂勦捷竄脫趨黠巖鈎踔狙援水漉雜鱣蝟投奔鬧

碇墜填隍儼僦僦愈強晴死不閉獷眼困逾恥蕪堞熯

歎熨扶門呀拗闔天刀封未坼首膽懾前堰跽梁排郁

縮闖竇楔窰窰迫脅聞雜驅咿叻叫冤跣郊窮區指清

夷兇部坐雕鍛邛文裁斐奩巴豔收娼媼椎肥牛呼牟

載實駝鳴圖聖靈閔頑嚚燾養均草蔡下書過雄虓解
罪弔孿瞎愈戰血時銷洗劍霜夜清刮漢棧罷嚚聞獠
江息澎汜戍寒絕朝乘刁暗歇宵簪始去杏飛蠶及歸
柳嘶蜚廟獻繁馘級樂聲洞控揭郊臺圖煥丹玄郊告
儼匏稽念齒慰徽鯨視傷悼癩庖休輸任訛寢報力厚
麩秬公歡鐘晨撞室宴絲曉拈杯盃酬酒醪箱篋饋巾
昧小臣昧戎經維用贊勳愈

同宿聯句

韓愈 孟郊

自從別君來遠出遭巧譖愈斑斑落春淚浩浩浮秋浸

郊 毛竒覩象犀羽怪見鵬鳩愈朝行多危棧夜臥饒驚

枕郊生榮今分踰死棄昔情任愈鵝行參綺陌雞唱聞

清禁郊山晴指高標槐密鶩長蔭愈直辭一以薦巧舌

千皆矜郊匡鼎惟說詩桓譚不讀識愈逸韻何嘈噉高

名俟沽賃郊紛葩歡屢填曠朗憂早滲愈為君開酒腸

顛倒舞相飲郊曦光霽曙物景曜鑠宵侵愈儒門雖大

啓奸首不敢闖義泉雖至近盜索不敢沁清琴試一揮
白鶴叫相喑欲知心同樂雙繭抽作絰郊

莎柵聯句

韓愈 孟郊

冰溪時咽絕風櫪方軒舉愈此處不斷腸定知無斷處

郊

雨中寄孟刑部幾道聯句

韓愈 孟郊

秋潦淹轍迹高居限參拜愈耿耿蓄良思遥遥仰嘉話

郊一晨長隔歲百步遠殊界愈商聽饒清聳悶懷空抑

噫郊美君知道腴逸步謝天械愈吟馨鏘紛雜抱照瑩

疑怪郊撞宏聲不掉輸邈瀾逾殺愈檐瀉碎江喧街流

淺溪邁郊念初相遭逢幸免因媒介祛煩類決癰愜興

劇爬疥研文較幽玄呼博騁雄快今君軺方馳伊我羽

已鎩温存感深惠琢切奉明誠愈迨茲更凝情暫阻若

嬰瘵欲知相從盡靈珀拾纖芥欲知相益多神藥銷宿

憊德符仙山岸永立難敵壞氣涵秋天河有朗無驚湃

郊

祥鳳遺蒿鷄雲韶掩夷靺爭名求鵠徒騰口甚蟬喝

未來聲已赫始鼓敵前敗鬪場再鳴先遐路一飛屆東

野繼竒躅修綸懸衆捨穿空細丘堙照日陋管蒯愈小

生何足道積慎如觸蠆悵悵抱所諾翼翼自申戒聖書

空勘讀盜食敢求噉惟當騎款段豈望覲珪玠弱操媿

筠杉微芳比蕭齏何以驗高明柔中有剛夫

郊

遠遊聯句

韓愈 孟郊 李翱

別腸車輪轉一日一萬周郊離思春水泮瀾漫不可收

愈 馳光忽以迫飛轡誰能留郊取之詎灼灼此去信悠

悠翱楚客宿江上夜魂棲浪頭曉日生遠岸水芳綴孤

舟村飲泊好木野蔬拾新柔獨含悽悽別中結鬱鬱愁

人憶舊行樂鳥吟新得儔郊靈瑟時窅窅露援夜啾啾

憤濤氣尚盛恨竹淚空幽長懷絕無已多感良自尤即

路涉獻歲歸期眇涼秋兩歡日牢落孤悲坐綢繆愈觀

怪忽蕩漾叩竒獨冥搜海鯨吞明月浪島沒大漚我有

一寸鈎欲釣千丈流良知忽然遠壯志鬱無抽郊魍魎

暫出沒蛟螭互蟠繆昌言拜舜禹舉颿凌斗牛懷糈餽

賢屈乘桴追聖丘飄然天外步豈肯區中囚愈楚些待

誰弔賈辭緘恨投翳明弗可曉祕魂安所求氣毒放逐

域蓼雜芳菲疇當春忽淒涼不枯亦颼颼貉謠衆猥款

巴語相呶嘍默誓去外俗嘉願還中州江生行既樂躬

輦自相勗飲醇趣明代味腥謝荒陬郊馳深鼓利檝趨

險驚蜚輜繫石沈
斬尚開弓射鵬
沒路暗執屏翳
波驚戮陽侯廣
泛信縹緲高行
恣浮游外患蕭
蕭去中悒稍
稍瘳振衣造雲
闕跪坐陳清猷
德風變讒巧仁
氣銷戈矛名聲
照西海淑問無
時休歸哉孟夫
子歸去無夷猶
愈

晚秋郾城夜會聯句

韓愈 李正封

從軍古云樂談笑青油幕燈明夜觀碁月暗秋城柝
正封

上中 羈客方寂歷驚烏時落泊語闌壯氣衰酒醒寒砧

作愈奉

院長 遇主貴陳力夷凶匪兼弱百牢犒與師千戶購

首惡

正封

平生恥論兵末暮不輕諾徒然感恩義誰復論

勳爵

愈

多士被霑汚小夷施毒蓋何當鑄劔戟相與歸

臺閣

正封

室婦歎鳴鶴家人祝喜鵲終朝考著龜何日親

烝祲

愈

間使斷津梁潛軍索林薄紅塵羽書靖大水沙

囊涸

正封

銘山子所工插羽余何忤未足煩刀俎祗應輸

管鑰

愈

雨矢逐天狼電矛驅海若靈誅固無縱力戰誰

敢却

正封

峨峨雲梯翔赫赫火箭著連空隳雉堞照夜焚

城郭

愈封

軍門宣一令廟算建三略雷鼓揭千槍浮橋交

萬笳

正封

蹂野馬雲騰映原旗火鑠疲氓墜將拯殘虜狂

可縛

愈封

摧鋒若猛兕超乘如猱獾逢掖服翻慙縵胡纓

可愕

正封

星隕聞雉雉師興隨唳鶴虎豹貪犬羊鷹鷂憎

鳥雀

愈封

燒陂除積聚灌壘失依託憑軾諭昏迷執爨征

暴虐

正封

倉空戰卒飢月黑探兵錯兇徒更蹈藉逆族相

啗嚼

愈封

軸轡亘淮泗旆旌連夏鄂大野縱氏羌長河浴

騶駘

正封

東西競角逐遠近施矰繳人怨童聚謠天殃鬼

行瘡

愈漢

刑支郡黜周制閒田削侯社退無功鬼薪懲

不恪

正封

余雖司斧鑕情本尚丘壑且待獻俘囚終當返

耕穫

愈藁

街陳鈇鉞挑塞興錢鑄地理畫封疆天文埽

寥廓

正封

天子憫瘡痍將軍禁鹵掠策勳封龍額歸獸獲

麟脚

愈詰

誅敬王怒給復哀人瘼澤髮解兜鍪酖顏傾

鑿落

正封

安存惟恐晚洗雪不論昨暮鳥已安巢春蠶看

滿箔

愈聲

明動朝闕光寵耀京洛旁午降絲綸中堅擁

鼓鐸

正封

密坐列珠翠高門塗粉牖跋朝賀書飛塞路歸

鞍躍

愈

魏闕橫雲漢秦關東巖崿拜迎羅縠鞬問遺結

囊橐

正封

江淮永清晏宇宙重開拓是日號升平此年名

作噩

愈

洪赦方下究武飈亦旁魄南據定蠻陬北攬空

朔漠

正封

儒生愜教化武士猛刺斫吾相兩優游他人雙

落莫

愈

印從負鼎佩門為登壇鑿再入更顯嚴九遷彌

蹇諤

正封

賓筵盡狐趙導騎多衛霍國史擅芬芳宮娃分

綽約

愈

丹掖列鸞鷺洪爐衣狐貉摛文揮月毫講劔淬

霜鏗

正封

命衣備藻火賜樂兼拊搏兩廂鋪糴糴五鼎調

勺藥

愈封

帶垂蒼玉佩轡蹙黃金絡誘接喻登龍趨馳狀

傾藿

正封

青娥翳長袖紅頰吹鳴籥儻不忍辛勤何由恣

歡謔

愈封

惟當早富貴豈得暫寂寞但擲雇笑金仍祈却

老藥

正封

歿廟配尊學生堂合馨鑄安行庇松篁高臥枕

莞弱

愈封

洗沐恣蘭芷割烹厭脾臄喜顏非忸怩達志無

隕穫

正封

詼諧酒席展慷慨戎裝著斬馬祭旄燾魚羔禮

芒屨

愈封

山多離隱豹野有求伸蠖推選閱羣材薦延搜

一鶚

正封

左右供諂譽親交獻諛名聲載揄揚權勢實

熏灼

愈封

道舊生感激當歌發酬酢羣孫輕綺紈下客豐

醴酪

正封

窮天貢琛異帀海賜酺釀作樂鼓還槌從禽弓

始曠

愈封

取歡移日飲求勝通宵博五白氣爭呼六竒心

運度

正封

恩澤誠布濩噐頑已簫勺告成上云亭考古垂

矩矱

愈封

前堂清夜吹東第良晨酌池蓮拆秋房院竹翻

夏籜

正封

五狩朝恒岱三畋宿揚柞農書乍討論馬法長

懸格

愈封

雪下收新息陽生過京索爾牛時寢訛我僕或

歌罟

正封

帝載彌天地臣辭劣螢爚為詩安能詳庶用存

糟粕

愈

石鼎聯句 有序

元和七年十二月四日衡山道士軒轅彌明自衡
下來舊與劉師服進士衡湘中相識將過太白知
師服在京夜抵其居宿有校書郎侯喜新有能詩
聲夜與劉說詩彌明在其側貌極醜白鬚黑面長
頸而高結喉中又作楚語喜視之若無人彌明忽

軒衣張睂指爐中石鼎謂喜曰子云能詩能與我
賦此乎劉往見衡湘間人說云年九十餘矣解捕
逐鬼物拘囚螭蛟虎豹不知其實能否也見其老
頗貌敬之不知其有文也聞此說大喜即援筆題
其首兩句次傳於喜喜踊躍即綴其下云云道士
啞然笑曰子詩如是而已乎即袖手聳肩倚北牆
坐謂劉曰吾不解世俗書子為我書因高吟曰龍
頭縮菌蠢豕腹漲彭亨初不似經意詩旨有似譏

喜二子相顧慙駭欲以多窮之即又為傳之喜喜
思益苦務欲壓道士每營度欲出口吻聲鳴益悲
操筆欲書將下復止竟亦不能竒也畢即傳道士
道士高踞大喝曰劉把筆吾詩云云其不用意而
功益竒不可附說語皆侵劉侯喜益忌之劉與侯
皆已賦十餘韻彌明應之如響皆脫穎含譏諷夜
盡三更二子思竭不能續因起謝曰尊師非世人
也某伏矣願為弟子不敢更論詩道士奮曰不然

章不可不成也又謂劉曰把筆來吾與汝就之即
又唱出四十字為八句書訖使讀讀畢謂二子曰
章不已就乎二子齊應曰就矣道士曰此皆不足
與語此寧為文邪吾就子所能而作耳非吾之所
學於師而能者也吾所能者子皆不足以聞也獨
文乎哉吾語亦不當聞也吾閉口矣二子大懼皆
起立牀下拜曰不敢他有問也願聞一言而已先
生稱吾不解人間書敢問解何書請聞此而已道

士寂然若無聞也累問不應二子不自得即退就
座道士倚牆睡鼻息如雷鳴二子怛然失色不敢
喘斯須曙鼓鼙鼙二子亦困遂坐睡及覺日已上
驚顧覓道士不見即問童奴奴曰天且明道士起
出門若將便旋然奴怪久不返即出到門覓無有
也二子驚惋自責若有失者間遂詣余言余不能
識其何道士也嘗聞有隱君子彌明豈其人邪韓

愈序

劉師服

進士

侯喜

字叔退登貞元進士第官終國子主簿

軒

轅彌明

巧匠斲山骨剗中事煎烹

師服

直柄未當權塞口且吞聲

喜

龍頭縮菌蠢豕腹漲彭亨

彌明

外苞乾蘚文中有暗浪

驚服

在冷足自安遭焚意彌貞

喜

謬當鼎鼐間妄使水

火爭

彌明

大似烈士膽圓如戰馬纓

師服

上比香爐尖下與

鏡面平

喜

秋瓜未落蒂凍芋強抽萌

彌明

一塊元氣閉細

泉幽竇傾

師服

不值輸寫處焉知懷抱清

喜

方當洪爐然

益見小器盈

彌明

眈眈無刃迹團團類天成

師服

遙疑龜負

圖出曝曉正晴

喜

旁有雙耳穿上有孤髻撐

彌明

或訝短尾

鈿又似無足鐺

師服

可惜寒食毬擲此傍路坑

喜

何當出

灰炆無計離餅罌

彌明

陋質荷斟酌狹中媿提擎

師服

豈能

煮仙藥但未汙羊羹

喜

形模婦女笑度量兒童輕

彌明

徒

示堅重性不過升合盛

師服

傍似廢轂仰側見折軸橫

喜

時於蚯蚓竅微作蒼蠅鳴

彌明

以茲翻溢愆實負任使誠

師服常居顧盼地敢有漏泄情

喜

寧依暖熱弊不與寒涼

并彌區區徒自效
瑣瑣不足呈喜
回旋但兀兀
開闔惟

慳師慳服全勝瑚璉貴
空有口傳名
豈比俎豆古
不為手

所搔磨礪去圭角
浸潤著光精
願君莫嘲諑
此物方施

行彌
明

孟郊

有所思聯句

孟郊 韓愈

相思繞我心
日夕千萬重
年光坐婉婉
春淚銷顏容
郊

臺鏡晦舊暉庭草滋深茸望夫山上石別劍水中龍愈

遣興聯句

孟郊 韓愈

我心隨月光寫君庭中央郊月光有時晦我心安所忘

愈常恐金石契斷為相思腸郊平生無百歲歧路有四

方愈四方各異俗適異非所將郊駑蹄顧挫秣逸翮遺

稻梁愈時危抱獨沈道泰懷同翔郊獨居久寂默相顧

聊慨慷愈慨慷丈夫志可以曜鋒鉞郊遽甯知卷舒孔

顏識行藏愈殷鑒諒不遠佩蘭永芬芳郊苟無夫子聽

誰使知音揚愈

贈劔客李園聯句

孟郊 韓愈

天地有靈術得之者惟君郊築爐地區外積火燒氛氲

愈照海鑠幽怪滿空歎異氛郊山磨電奕奕水淬龍螭

蝮愈太一裝以寶列仙篆其文郊可用懾百神豈惟壯

三軍愈有時幽匣吟忽似深潭聞郊風胡久已死此劔

將誰分愈行當獻天子然後致殊勲郊豈如豐城下空
有斗間雲愈

賈島

過海聯句

賈島 高麗使

沙鳥浮還沒山雲斷復連高麗使槿穿波底月船壓水中

天島

御定全唐詩卷七百九十一